



In Himmel wör blös ine lo,
wer 's Leobo lang hei ghörig to.
Dozu seoch Petrus jedem a,
ob er ou halbweigs singo ka.
Wer falsch sing, hei ganz schlechte Karta,
müöß uf an Platz im Feogfür warta.
Döt bring ma-m 's Singo schonend bei,
will dummarwies versumt ar hei,
zum 's Ghör a kläle druf tränioro
zum a Hosanna intonioro.
Und wenn sä gär nünt macha lot,
uf-om Tabet das hiortscht stoht,
wer falsch singt, ou im Himmel stört,
zur Strof in Kirchchor ar ghört.
Im bescht Fall ar dra sä gewöhn,
dass diose ou nid treffend d' Tön.



Ω

I gib 's jo ehrlä zuo,
daß i halbfürtig bio.
Für mängon wär zwor gnuo,
zum blös an Bruchtöal hio.

Muont uona ar sei meh,
söll ar sä secha lo;
as würd bi iohm do Schnee
vo gescht ou no vergoh.

I red iohm gwioß nid dri;
vielleicht siocht seolb ar i
daß iohm vo mir an Bruchtoal gnuo wär.
und viel für ihn no z' tuo wär.




Ω

I bio dem Glück ou scho verko,
as heat sä ou scho seocha lo.
As wär bi mir gwioß nid schleocht dra,
scho drom, wil i 's guot brucho ka.

Obwohl i iom lo freie Hand,
i sine Absicht nid verstand,
dass 's Glück, wenn as om 's Lotto goht,
gad denn mi jedsmol hänko lot.

I tuor iom trotzdem schüo i 's Gsicht;
z' letscht kut as anderscht iom - vielleicht.



Dass 's Geold all mionder wert si töü,
wenn ma 's am Schaffa hionder,
ischt deom wo reochna ka nid nöü.
Wer will scho hio all mionder.

Blös sötischt eobo seolb druf ko,
wio 's Geld ou söttischt schaffa lo.
Scho däs alluo ischt schwirig.
und macht scho mängon gierig.

Wenn d' an Kredit , nid z' klänn, uf nischt,
an Milionär fürs Erscht abgischt.
Dänn stohscht, döt kascht druf goh,
uf all Fäll optisch reocht quot do.

Wer omgoh ka mit Geold,
heat Vörtel uf-or Weolt.
Blös d' Banka sägand dir kuon Tut
wio ma us Schulda ussar kut.



Ω

Ma 's rüobig langsam zuogio sot,
mir leoband ehrle uofach z' flot.

As wär vom Staat vor allem nät,
güb er nid meh us, as ar hät.

Do Vaterstaat miolkt üsarun,
sin langa-n-Arm verpassat kuon.

As langat lamsam niona hio;
's letscht Hemp würd er bald jedem nio.

Die mehnro, wio die känno Kiond,
nid z' liob dorfür no dankbar siond.

Ma leobat witer, wio gseit flot,
warom ou seolb ma 's nid tuo sot?



Gedanko

(ASP676—19.08.2017)


Gedanko kommend und sie gond,
dass sie heand 's Reocht dorzuo, mag si,
blos, wenn sie dir kuo Rüobigs lond,
tuoscht guot dra, wenn du seolb grifscht i.

Kascht ou an Fachmann konsultiero,
für jeds Problem 's a Lösung git.
As ka derbei dir zwor passioro,
ar seit nid glei, a was as lit.

Ar lot di zur Behandlung ko,
a halbs Jahr uf si Kanapee.
Heat dir zwor nid d' Gedanko gno;
däs koschtit nämlich scho no meh.

Vor d' nomol Hüfo Geold usgischt
am bescho a guots Schlücklä nischt.
Kascht luoga, wio d' 's Problem vergioscht;
Kascht luoga, seolb eotz Fachma bioscht.

(ASP676—19.08.2017)



As leoband viele Lüt im däm Gloubo,
ma dör kuo Fehlar sä arloubu.


Wenn seolto Fehlar uom arrionnond,
die wenigo a Geoltung gwionnond.

Das uo ischt nämlä sunnoklarklar:
an höhro Wert heat all das rar.



Fantasie

(ASP679—01.09.2017)



Lass rücho d' Fantasie,
ou mine ischt uf Weego.
Sie trioft ganz gwioß die di.
Gwioß beida kut as gleogo.

Du kascht dä druf verlo,
sie wöarond sä verstoh.
Wenn mir ou kaum ververstond,
dass d' l'geobunga üs hänko lond.

(ASP679—01.09.2017)